



I. HIEROGRAPHIA REGVM NAVARRAE, SIMPLEX.

RALLAS videtur belli simul & pacis insignia præferre, quod Regi prudenti libera ferè electio sit. Nam parcit minori: cedit majori. Carolus bellum paci præferens, fortassis parùm honestæ, aut nimis cupidus armorum: *Requies, inquit, hæc certa laborum. Quæ? Arma, arma, hinc inde posita. Si in labore requiescunt Reges, quandò tandem quiescunt? Nunquam: Imperatorem enim stantem mori oportere dicebat Vespasianus Imperator. Licet ab eo Carolus dissonet. Nam ille non armis tantum occupari Principem regium ducebat; verùm etiam legibus. Sed animus militaris extra bellum, castra, aciem, nullam vitam ducit. Hinc Alexander metuere: ne ocio torperet, subacto orbe terrarum, & illum lubenter audire: qui innumerabiles esse Mundos assererat.*

II. Hierographia simplex.

Enavali erumpit navis: solent enim navigia in navalia hyeme subduci, & succlamat Rex, sub Sole, id est, in alto: sub umbra, id est, tecto: sed quid clara obscuro? virens: id est non situ putrens, aut dilabens vetustate. Se, inquam, clamat, licet, ut navis, fortunæ fluctibus jactetur, nec adversis frangi, nec prosperis extolli; sed patientem quietis esse juxta ac laboris, si per hostem liceat.



Reges

Reges Nauarrorum.

58

Ioannes. ii. Borbonius Nauarroru Rex.

Henricus. i. Borbonius Nauarroy. Rex



Iana Elberta Nauarorum Regina

Henricus ii. Borbonius Nauarrorum.

Henrici i. uxor

Rex.



Henricus ii. Borbonius Nauarroru

Margaretha Valesia Nauarroru Regi

Rex

na, uxor Henrici ii.



M

III, Hiero-

III. Hierographia simplex.

58.

DVæ urnæ, (altera ignem efflans, altera aquam effundens) duo hominū genera in scenam introducunt, quorum alii in cælo, mente versantur: alii in terra hærent, non corpore solum; verùm etiam toto animo, in agendo occupantur. Neutri quidem reprehendendi, si studiis moderarentur. Prudentè enim Plato cum Mûsica Gymnasticen conjungit. Et Socrates Philosophiam è cælo reduxit; & inter homines, hominum sapientiam collocavit, non modo quod scire vires panè amittat & torpeat: nisi scire te, alii sciant; sed quod theoria, utamur enim eorum vocibus, à quibus accepimus, si non in praxim transeat, inutilis, imò & manca sit, ac ut in corporibus ociosis accidit, suo cum vigore, tum nitore destituta, Jam capere videor, quod urnæ non capiunt. Quid autem vult Rex, cum ait? Par obitus. Non aliud, quàm Rex & Propheta David: Stultus & sapiens peribunt. Mortales inquam esse, omnes mortales. Nam fama post fatum interris: & sedes extra terras differunt.

IV. Hierographia simplex.

Cælo septentriones, Mari cymbam aut lembum cernis sine clavo, velo, remis, remige: Horresco cernens. Nam si qui in carina forte cubat; quanto cum periculo, Deus bone, cubat? Etenim satis à ventis, & procellis, rostratæ navi & rebus omnibus instructæ, periculi est, Majori animo Rex: Quo fata trahunt, sequar, inquit: si tamen magni animi est sponte te in discrimen conjicere. Aut non intelligimus Regem: qui non fortunæ temerario arbitrio se permittit, quod navim compegit nobis, & in navi, agitationem animi & rerum suarum exhibet; sed res suas ac vitam Providentiæ commendat divini, Si hoc sentit, ego à Rege non dissentio. Prudentiam enim nostram mancipare Divinæ Providentiæ jus & fas. Incidunt etiam ea tempora, ex quibus solus nos Deus eximat. Me certè à regum potestate, solus Deus, Regum Rex liberavit, quod semper gratè refero: hic præterire nequeo.

V. Hierographia simplex.

Columbas simplices natura genuit, & socii amantes, ut studiosas pullo- rum. Hinc columbæ Nomen, cuius speciem gerebat, ad sponsum lana detulit, priori columba orbum: & sponte sub plagas, id est, in mariti potestatem concedit.

VI. Hierographia simplex.

Calvaria cum Angue, quem ex cadavere nasci tradunt, mortem hominis vel cæcis ostendit. Regis vox audax: Nunquam te timui, Christus enim immortem expavit, non ignarus, quid esset, separatio Animæ à Corpore. Nec contemnere pœnam peccati: nec nimium angi necessitate, hac enim conditione nati sumus; humanum est. Hic scio quid audiam: Non philosophari Reges. Ad quid magis regium. Non medius fidius delirare,

VII. Hiero-

VII. Hierographia simplex.

Et hercle sensu simplex. H. enim Hieroglyphicon est, & clare resonat Henrici Nomen. Diadematum circumfusa, boni ominis causa sunt. Nam vix unius Regni erat potens.

VIII. Hierographia simplex.

Annulus perennitatem: Pala splendorem significat, est enim circularis ille: hæc adamantis. Significant, inquam & pollicentur Regi ac Reginae Navarrae, quorum virtutes Mysta hic, cum clarissimis cœli luminibus comparat. Pollicentur, inquam simul id est ambobus, semper & sempiterno contubio constrictis, Et quod circuli extremitates, cornucopiæ instar, in pala coeunt; satis patet, quanta rerum ubertas, ex felicitate connubii regalis, in universam multitudinem sit redundan-
tura.



Nauarorum Reges.
Margaretha Valesia Nauarorū Regina
Henrici II. uxor.



Reges Austriae.

Theodobertus Rex Austriae.

Gidbertus Rex Austriae.



Reges Cypri

Perinus Rex Cypri

Iacobus Rex Cypri ultimus



IX. Hiero.